

বাংলাদেশ হাওর ও জলাভূমি উন্নয়ন অধিদপ্তর

<http://dbhwd.gov.bd>



ষষ্ঠ অধ্যায়

বাংলাদেশ হাওর ও জলাভূমি উন্নয়ন অধিদপ্তর

প্রারম্ভিক কথা

দেশে বিস্তৃত অসংখ্য ছোটবড় জলাভূমি তথা বিল-বিল, হাওর-বাঁওড়, খাল, নদীনালা জীববৈচিত্রের প্রধান উৎস। ফসলের সেচের পানির আধার, জলজ প্রাণী যেমন বিভিন্ন ধরনের হাঁস, দেশীয় ও পরিযায়ী পাখির আবাসস্থল এ সকল জলাভূমি। দেশের মোট উৎপাদিত ধান ও মাছের সিংহভাগ হাওর ও জলাভূমি অঞ্চল থেকে আসে। বায়ুমন্ডলের অধিক তাপকে কমিয়ে আনতে জলাভূমিসমূহ সাহায্য করে। হাওর ও জলাভূমি অঞ্চলের অনেক মানুষ এখনও দারিদ্র সীমার নীচে বসবাস করে। দারিদ্রতা ও নিরক্ষরতার পশ্চাৎপদতা থেকে উত্তরণে দেশের হাওর ও জলাভূমি সমূহ সুরক্ষায় ১৯৭৪ সালে বঙ্গবন্ধু শেখ মুজিবুর রহমান “বাংলাদেশ হাওর উন্নয়ন বোর্ড” গঠনের নির্দেশ প্রদান করেন। ১৯৭৭ সালে অর্ডিন্যান্সের মাধ্যমে হাওর উন্নয়ন বোর্ড গঠন করা হলেও ১৯৮২ সালের উক্ত বোর্ডের বিলুপ্তি ঘটে। গণপ্রজাতন্ত্রী বাংলাদেশ সরকারের মাননীয় প্রধানমন্ত্রী শেখ হাসিনার ঐকান্তিক ইচ্ছায় ১১ সেপ্টেম্বর ২০০০ সালে একটি রিজ্যুউলেশনের মাধ্যমে “বাংলাদেশ হাওর ও জলাভূমি উন্নয়ন বোর্ড” পুনরায় প্রতিষ্ঠা লাভ করে।

গত ১৭ নভেম্বর, ২০১৪ তারিখে মাননীয় প্রধানমন্ত্রীর সভাপতিত্বে অনুষ্ঠিত মন্ত্রিসভা বৈঠকে বাংলাদেশ হাওর ও জলাভূমি উন্নয়ন বোর্ডকে পানি সম্পদ মন্ত্রণালয়ের অধীনে একটি সংযুক্ত অধিদপ্তর ঘোষণার নির্দেশনা প্রদান করা হয়। পানি সম্পদ মন্ত্রণালয় গত ২৪শে জুলাই, ২০১৬ তারিখে এ বোর্ডকে পানি সম্পদ মন্ত্রণালয়ের একটি সংযুক্ত দপ্তর হিসেবে “বাংলাদেশ হাওর ও জলাভূমি উন্নয়ন অধিদপ্তর” প্রতিষ্ঠার প্রজ্ঞাপন জারি করে। প্রজ্ঞাপনটি ২৫ আগস্ট, ২০১৬ তারিখে গেজেট আকারে প্রকাশিত হয়।

অধিদপ্তরের জনবল কাঠামো

বাংলাদেশ হাওর ও জলাভূমি উন্নয়ন অধিদপ্তরের রাজস্বখাতে ৭১টি নতুন পদ সৃজনের লক্ষ্যে জনপ্রশাসন মন্ত্রণালয়ের সুপারিশক্রমে অর্থ বিভাগ তা অনুমোদন করে। এ অধিদপ্তরের নিয়োগবিধিমালা (কর্মকর্তা/কর্মচারী), ২০১৭ প্রক্রিয়াধীন আছে। বর্তমানে এ অধিদপ্তরের মহাপরিচালক হিসেবে জনপ্রশাসন মন্ত্রণালয় হতে একজন অতিরিক্ত সচিব, পরিচালক হিসেবে দুইজন যুগ্ম-সচিব এবং বিসিএস (সাধারণ শিক্ষা) ও বিসিএস (ইকনমিক) ক্যাডার হতে দুইজন কর্মকর্তা উপপরিচালক পদে প্রেষণে দায়িত্ব পালন করছেন। এছাড়া তৃতীয় ও চতুর্থ শ্রেণীর ৩০ জন কর্মচারী অস্থায়ী ভাবে অধিদপ্তরে কর্মরত আছেন।

২০১৬-২০১৭ অর্থ বছরের বাজেট বরাদ্দ ও ব্যয়

অর্থবছর	বাজেট বরাদ্দ (লক্ষ টাকা)		অর্থ বছরের জুন পর্যন্ত ব্যয় (লক্ষ টাকা)	
	অনুন্নয়ন	উন্নয়ন	অনুন্নয়ন	উন্নয়ন
২০১৬-২০১৭	২৮৮.১১	২৩৯৩.০০	১৭৯.৪৩	৮০১.৬০

বাংলাদেশ হাওর ও জলাভূমি উন্নয়ন অধিদপ্তরের সদ্য সমাপ্ত উন্নয়ন প্রকল্প

২০১৬-২০১৭ অর্থ বৎসরে বাংলাদেশ হাওর ও জলাভূমি উন্নয়ন অধিদপ্তর কর্তৃক নিম্নবর্ণিত ২টি প্রকল্প সম্পন্ন হয়েছে :-

১। Classification of Wetlands of Bangladesh শীর্ষক সমীক্ষা প্রকল্প। এ প্রকল্পের মাধ্যমে দেশের ৬৪ জেলায় অবস্থিত সকল জলাভূমির শ্রেণীবিন্যাস, জলাভূমির মাটির প্রকৃতি সনাক্তকরণ, জলজ Fauna ও Flora চিহ্নিত করে তালিকাভুক্ত করা হয়েছে। প্রকল্প মেয়াদ জুলাই ২০১৫-ডিসেম্বর ২০১৬। প্রকল্পটির চূড়ান্ত প্রতিবেদন অধিদপ্তরের ওয়েবসাইটে আপলোড করা হয়েছে।

২। Model Validation on Hydro-Morphological Process of the River System in the Subsiding Sylhet Haor Basin শীর্ষক সমীক্ষা প্রকল্প। এ প্রকল্পের মাধ্যমে সিলেট অঞ্চলের নদীর গতি প্রকৃতির একটি Conceptual মডেল যাচাই করা হয়েছে। প্রকল্পটির মেয়াদ জুলাই ২০১৫- জুন ২০১৭। প্রকল্পটির চূড়ান্ত প্রতিবেদন অধিদপ্তরের ওয়েবসাইটে আপলোড করা হয়েছে।

বাংলাদেশ হাওর ও জলাভূমি উন্নয়ন অধিদপ্তরের চলমান উন্নয়ন প্রকল্প

সরকারের রূপকল্প ২০২১ বাস্তবায়নের লক্ষ্যে বাংলাদেশ হাওর ও জলাভূমি উন্নয়ন অধিদপ্তরের অধীনে দেশের হাওর ও জলাভূমি অঞ্চলে নিম্নবর্ণিত তিনটি সমীক্ষা প্রকল্প বাস্তবায়িত হচ্ছে :-

- ১। Study for Investigation of Groundwater and Surface Water Irrigation in Habiganj, Maulvibazar, Sylhet, Sunamganj, Netrokona and Kishorganj Districts এ ০৬টি জেলার হাওর এলাকার ভূ-গর্ভস্থ ও ভূ-পরিষ্ক পানির বর্তমান অবস্থা নিরূপন এবং গাণিতিক মডেল প্রস্তুতকরণ। এ প্রকল্পের ফলাফলের ভিত্তিতে সুপারিশকৃত এলাকায় প্রাকৃতিক পানির যুক্তিযুক্ত ব্যবহার সম্ভব হবে। প্রস্তাবিত কর্মসূচীর বাস্তবায়নকাল ডিসেম্বর, ২০১৫-ডিসেম্বর, ২০১৮। জুন, ২০১৭ পর্যন্ত, অগ্রগতি ৩৫%।
- ২। Impact Assessment of Structural Intervention in Haor Ecosystem and Innovation for Solution. শীর্ষক এ প্রকল্পের মাধ্যমে দেশের হাওর অঞ্চলে বিভিন্ন সংস্থা কর্তৃক যে সব অবকাঠামো নিশ্চিত করা হয়েছে, পরিবেশের ওপর তার প্রভাব নিরূপন করা হবে এবং সম্ভাব্য সমাধানের সুপারিশ ব্যবস্থা করা হবে। প্রকল্পটির বাস্তবায়নকাল জানুয়ারী, ২০১৬-ডিসেম্বর, ২০১৭। জুন ২০১৭ পর্যন্ত, অগ্রগতি ৫০%।
- ৩। Study of Interaction Between Haor and River Ecosystem Including Development of Wetland Inventory and Wetland Management Framework শীর্ষক এ প্রকল্পের মাধ্যমে দেশের সকল জলাভূমির একটি পূর্ণাঙ্গ তালিকা প্রস্তুত করা হবে এবং জলাভূমির ব্যবস্থাপনার রূপরেখা তৈরী করা হবে। প্রকল্পটির বাস্তবায়নকাল জুলাই, ২০১৫-জুন, ২০১৮। জুন ২০১৭ পর্যন্ত, অগ্রগতি ৫%।

হাওর মহাপরিকল্পনা বাস্তবায়ন

বাংলাদেশের উত্তর পূর্বাঞ্চলের সুনামগঞ্জ, সিলেট, মৌলভীবাজার, হবিগঞ্জ, ব্রাহ্মণবাড়ীয়া, কিশোরগঞ্জ ও নেত্রকোনা এ ৭টি জেলার ২.০ কোটি জনগণের উন্নয়ন চাহিদার ভিত্তিতে প্রণীত হাওর পরিকল্পনায় ১৭টি সেক্টরের ক্ষেত্রে ১৫৪টি উন্নয়ন প্রকল্প ক্ষেত্র চিহ্নিত করা হয়েছে। ইতোমধ্যে বাংলাদেশ সরকারের ১৬টি মন্ত্রণালয়ের ৩৮টি সরকারী এজেন্সী/বিভাগ উক্ত মহাপরিকল্পনায় বর্ণিত প্রকল্পগুলো স্বল্প, মধ্যম ও দীর্ঘ মেয়াদে বাস্তবায়নের উদ্যোগ গ্রহণ করছে। বাস্তবায়নকাল ২০১২-২০৩২, ২০ বৎসর এবং প্রাক্কলিত ব্যয় ২৮০৪,৩০৫ লক্ষ টাকা। উক্ত মহাপরিকল্পনার আলোকে ইতোমধ্যে ১৪টি সংস্থা নিম্নোক্ত ২৭টি প্রকল্পের কার্যক্রম বাস্তবায়ন করছে।

হাওর মহাপরিকল্পনার আলোকে বিভিন্ন সংস্থা কর্তৃক চলমান প্রকল্প সমূহের অগ্রগতি নিম্নরূপ

প্রকল্প গ্রহণকারী সংস্থা, বাস্তবায়নকাল ও প্রাক্কলিত ব্যয় (লক্ষ টাকা)	উদ্দেশ্য/কার্যক্রম	ভৌত ও আর্থিক অর্জন
১। বাংলাদেশ পানি উন্নয়ন বোর্ড প্রকল্পের নাম: হাওর অঞ্চলের বন্যা ব্যবস্থাপনা ও জীবন যাত্রার মান উন্নয়ন প্রকল্প, (JICA অর্থায়নে, বাপাউবো অংশ), বাস্তবায়নকাল : ২০১৪-২০২২, প্রাক্কলিত ব্যয়: ৯৯৩৩৭.৭২।	কিশোরগঞ্জ, হবিগঞ্জ, ব্রাহ্মণবাড়ীয়া, সুনামগঞ্জ ও নেত্রকোনা জেলার ২৯ টি হাওরে (১৫ টি পুনর্বাসন হাওর ও ১৪ টি নুতন হাওর) বন্যা ব্যবস্থাপনা ও কৃষিসহ বিভিন্নভাবে আয় বর্ধক কার্যক্রমের মাধ্যমে জনগণের জীবনমান উন্নয়ন এ প্রকল্পের উদ্দেশ্য।	ভৌত ১৪.৫০%
২। বাংলাদেশ পানি উন্নয়ন বোর্ড প্রকল্পের নাম: হাওর এলাকায় আগাম বন্যা প্রতিরোধ ও নিষ্কাশন উন্নয়ন প্রকল্প। বাস্তবায়নকাল: ২০১১-২০১৬, প্রাক্কলিত ব্যয়: ৭০৪০৭.৩৬।	৫২ টি হাওরে আগাম বন্যা নিয়ন্ত্রণে বাঁধ নির্মাণ ও মেরামত করা হলে ২,৮৯,৯১১ হে. জমির বোরো ফসল আগাম বন্যার কবল হতে রক্ষা পাবে। ৫২ টি হাওরের ডুবন্ত বেড়ীবাঁধ পুনঃনির্মাণের মাধ্যমে যোগাযোগ ব্যবস্থার উন্নয়ন করা হচ্ছে।	ভৌত ১৭.৯০% প্রকল্পের মেয়াদ আরও ০২ বৎসর বৃদ্ধির প্রস্তাব করা হয়েছে।
৩। সড়ক ও জনপথ বিভাগ প্রকল্পের নাম : উজানচর-বাজিতপুর-অষ্টগ্রাম সড়ক উন্নয়ন (বাজিতপুর-অষ্টগ্রাম অংশ) প্রকল্প।	এ প্রকল্পটি বাস্তবায়িত হলে অষ্টগ্রাম উপজেলার সাথে কিশোরগঞ্জ জেলার সরাসরি সড়ক যোগাযোগ স্থাপিত হবে।	ভৌত ৮৬.৮০% আর্থিক ৮৫.৫৮%

প্রকল্প গ্রহণকারী সংস্থা, বাস্তবায়নকাল ও প্রাক্কলিত ব্যয় (লক্ষ টাকা)	উদ্দেশ্য/কার্যক্রম	ভৌত ও আর্থিক অর্জন
বাস্তবায়নকাল: ২০১১-২০১৭, প্রাক্কলিত ব্যয়: ১৮১৭৩.২৫।		
৪। সড়ক ও জনপথ বিভাগ প্রকল্পের নাম : কিশোরগঞ্জ-করিমগঞ্জ-চামড়াঘাট-মিঠামইন সড়ক (চামড়াঘাট - মিঠামইন অংশ) সড়ক উন্নয়ন প্রকল্প, বাস্তবায়নকাল: ২০১১-২০১৭, প্রাক্কলিত ব্যয়: ১৩২৫২.৫৭।	এ প্রকল্পটি বাস্তবায়িত হলে মিঠামইন উপজেলার সাথে কিশোরগঞ্জ জেলার সড়ক যোগাযোগ স্থাপিত হবে।	ভৌত ৫৩.২৩% আর্থিক ৫২.১০%
৫। সড়ক ও জনপথ বিভাগ প্রকল্পের নাম : ইটনা-বড়ইবাড়ী- চামড়াঘাট সড়ক উন্নয়ন প্রকল্প, বাস্তবায়নকাল: ২০১১-২০১৭, প্রাক্কলিত ব্যয়: ১০৮৬৬.৯৭।	এ প্রকল্পটি বাস্তবায়িত হলে ইটনা উপজেলার সাথে কিশোরগঞ্জ জেলার সড়ক যোগাযোগ স্থাপিত হবে।	ভৌত ৭১.০০% আর্থিক ৭০.৫৮%
৬। সড়ক ও জনপথ বিভাগ প্রকল্পের নাম : ইটনা-মিঠামইন-অষ্টগ্রাম সড়ক নির্মাণ প্রকল্প, বাস্তবায়নকাল: ২০১৫-২০১৮, প্রাক্কলিত ব্যয়: ৪৩৮৩৪.৭৪।	ইটনা-মিঠামইন-অষ্টগ্রাম উপজেলার সাথে আন্তঃসড়ক যোগাযোগ স্থাপিত হবে।	ভৌত ৫০.১৯% আর্থিক ৪৫.৬২%
৭। সড়ক ও জনপথ বিভাগ প্রকল্পের নাম : মদন-খালিয়াজুরি সাব-মার্জিবল সড়ক নির্মাণ এবং নেত্রকোনা-মদন-খালিয়াজুড়ি সড়কের ৩৭তম কিলোমিটারে বলাই নদীর উপর পিসি গার্ডার সেতু নির্মাণ, বাস্তবায়নকাল: ২০১৪-২০১৭, প্রাক্কলিত ব্যয়: ১০৪০১.৪৬।	মদন ও খালিয়াজুরি উপজেলা দুটি নেত্রকোনা জেলা সদরের সাথে সড়ক যোগাযোগ স্থাপিত হবে।	ভৌত ৬৩.৮৫% আর্থিক ৬২.২৯%
৮। বাংলাদেশ মৎস্য উন্নয়ন কর্পোরেশন প্রকল্পের নাম : হাওর অঞ্চলে মৎস্য অবতরণ কেন্দ্র স্থাপন, বাস্তবায়নকাল: ২০১৪-২০১৮, প্রাক্কলিত ব্যয়: ৬৪৪৩.০০।	নেত্রকোনা জেলার মোহনগঞ্জ, কিশোরগঞ্জ জেলার ভৈরব ও সুনামগঞ্জ জেলার দক্ষিণ সুনামগঞ্জ উপজেলায় মোট ৩টি মৎস্য অবতরণকেন্দ্র স্থাপন।	ভৌত ৩০%
০৯। স্থানীয় সরকার প্রকৌশল অধিদপ্তর প্রকল্পের নাম : Haor Infrastructure & Livelihood Improvement Project (HILIP), বাস্তবায়নকাল: ২০১২-২০১৯, প্রাক্কলিত ব্যয়: ১০৭৬৩২.০০।	সুনামগঞ্জ, কিশোরগঞ্জ, হবিগঞ্জ, ব্রাহ্মণবাড়ীয়া ও নেত্রকোনা জেলার রাঙ্গা, ব্রীজ/কালভার্ট, বাজার উন্নয়ন, বিল উন্নয়ন, চেউয়ের কবল থেকে গ্রাম রক্ষা, খাল খনন ইত্যাদি।	ভৌত ৭৫% আর্থিক ৬৬.২৭%
১০। স্থানীয় সরকার প্রকৌশল অধিদপ্তর প্রকল্পের নাম : Haor Flood Management and Livelihood Improvement Project, (JICA Funded. LGED Part), বাস্তবায়নকাল: ২০১৪-২০২২ প্রাক্কলিত ব্যয়: ৮৮০০০.৬৪	বন্যা হতে ফসলের ক্ষতি হ্রাস, যাতায়াতের সুবিধা বৃদ্ধি এবং ১২১ কি:মি. উপজেলা সড়ক, ১৫৮ কি:মি. ইউনিয়ন সড়ক, ১৩৭ কি:মি. গ্রামীণ সড়ক, ৭৮০ মি. ব্রীজ, ৮৬০ মি. কালভার্ট নির্মাণ, ২০০ কি:মি. অবকাঠামো রক্ষণাবেক্ষণ, ৩২০ কি:মি. নির্মাণকালীন গ্রামীণ অবকাঠামো রক্ষণাবেক্ষণ, ২২টি হাট নির্মাণ, ও ২৪টি ল্যান্ডিং ঘাট নির্মাণ করা হবে। এছাড়াও মৎস্য সম্পদ উন্নয়ন এর আওতায় ১৫০ টি বিলের উন্নয়ন কাজ (অভয়আশ্রম ও জলজ উদ্ভিদ রক্ষা) এবং ২১০ কি:মি. বিল সংযোগ খাল খনন করা হবে।	ভৌত ১৭.০০% আর্থিক ১৫.৪৬%
১১। বাংলাদেশ কৃষি উন্নয়ন কর্পোরেশন	১৪৩৭৫ হে. জমি সেচের আওতায় আসবে। সেচ কাজের জন্য খাল খনন, পাম্প স্থাপন, বিদ্যুৎ সংযোগ ইত্যাদি কাজ করা হচ্ছে।	ভৌত ৬১% আর্থিক ৫৩.৩৮%

প্রকল্প গ্রহণকারী সংস্থা, বাস্তবায়নকাল ও প্রাক্কলিত ব্যয় (লক্ষ টাকা)	উদ্দেশ্য/কার্যক্রম	ভৌত ও আর্থিক অর্জন
প্রকল্পের নাম: সিলেট বিভাগ ক্ষুদ্র সেচ উন্নয়ন প্রকল্প। বাস্তবায়নকাল : ২০১৪-২০১৯, প্রাক্কলিত ব্যয়: ১৩৮০৫.৯০।		
১২। বাংলাদেশ কৃষি উন্নয়ন কর্পোরেশন প্রকল্পের নাম: ডাবল লিফটিং এর মাধ্যমে ভূ-পরিষ্ক পানির সাহায্যে সেচ সম্প্রসারণ (৩য় পর্যায়) প্রকল্প। বাস্তবায়ন কাল: ২০১৫- ২০২০ প্রকল্প ব্যয়: ১১৮৭২.৭৪।	ডাবল লিফটিং এর মাধ্যমে ভূ-পরিষ্ক পানি দ্বারা ৫৬৯৪৫ হেক্টর জমিতে সেচ প্রদান করে ১,৭০,৮৩৫ মে.টন খাদ্য শস্য উৎপাদন সম্ভব হবে।	ভৌত ৩২%
১৩। বাংলাদেশ কৃষি উন্নয়ন কর্পোরেশন প্রকল্পের নাম: নেত্রকোনা জেলার পূর্বধলা, মদন, মোহনগঞ্জ ও খালিয়াজুরী উপজেলা ক্ষুদ্রসেচ উন্নয়ন কর্মসূচী। বাস্তবায়নকাল: ২০১৪- ২০১৭ প্রকল্প ব্যয়: ৮০০.০০।	১০০০মি. ডুবন্ত বাঁধসহ রাস্তা নির্মাণ করে আগাম পাহাড়ী ঢল থেকে ৮০০ হেক্টর বোরো ফসল রক্ষা করা এবং ৬০০ মি: নদী তীর রক্ষার কাজ	ভৌত ৭০% আর্থিক ৬০%
১৪। বাংলাদেশ ক্ষুদ্র কুটির শিল্প কর্পোরেশন প্রকল্পের নাম : Establishment of Charcoal Industry.	জ্বালানী সমস্যা সমাধানে স্থানীয় পদ্ধতিতে জ্বালানী কারখানা গড়ে তোলা হবে।	রাজস্ব খাতে বরাদ্দের মাধ্যমে বাস্তবায়িত হচ্ছে
১৫। বাংলাদেশ ক্ষুদ্র কুটির শিল্প কর্পোরেশন প্রকল্পের নাম : Establishment of Boat Manufacturing Industry .	স্বল্প খরচে বিভিন্ন প্রকার নৌকা তৈরী কারখানা স্থাপন করা হবে।	রাজস্বখাতে বরাদ্দের মাধ্যমে বাস্তবায়িত হচ্ছে।
১৬। বাংলাদেশ পর্যটন কর্পোরেশন প্রকল্পের নাম : সুনামগঞ্জের টাঙ্গুয়ার হাওরে দায়িত্বশীল পর্যটন প্রবর্তন। বাস্তবায়ন কাল: জুলাই, ২০১৬- জুন, ২০১৭ প্রকল্প ব্যয়: ১.০০ কোটি টাকা।	স্থানীয় জনগণের অংশগ্রহণের মাধ্যমে দায়িত্বশীল পর্যটন উন্নয়ন সম্ভব হবে।	ভৌত: ১০% আর্থিক: ১৩% বরাদ্দের মেয়াদ বৃদ্ধির আবেদন করা হয়েছে।
১৭। কৃষি সম্প্রসারণ অধিদপ্তর প্রকল্পের নাম: বন্যা ও জলাবদ্ধপ্রবণ এলাকায় জলবায়ু পরিবর্তন অভিযোজন কৌশল হিসেবে ভাসমান শাক সবজি ও মসলা উৎপাদন প্রযুক্তি সম্প্রসারণ প্রকল্প। প্রাক্কলিত ব্যয়: ১৫০০.০০ বাস্তবায়নকাল: জুলাই, ২০১৩- ডিসেম্বর, ২০১৭।	জলবায়ু পরিবর্তন অভিযোজন কৌশল হিসেবে ভাসমান সবজি ও মসলা উৎপাদন প্রযুক্তি জলাবদ্ধ এলাকায় সম্প্রসারণ করা সম্ভব হবে। দেশের ক্রমবর্ধমান জনসংখ্যার খাদ্য নিরাপত্তা নিশ্চিতকরণে, পুষ্টি চাহিদা পূরণ ও জাতীয় আয় বৃদ্ধির লক্ষ্যে কৃষি উৎপাদনের মাধ্যমে খাদ্যের যোগান ও কর্মসংস্থান নিশ্চিত করা যাবে। আবাদযোগ্য জমির স্বল্পতার কারণে পানিতে ভাসমান কচুরিপানাকে ফসল উৎপাদনে ব্যবহার করা হবে।	ভৌত: ৮১% আর্থিক: ৮২%
১৮। যৌথ নদী কমিশন প্রকল্পের নাম : Joint Study on Indian Proposed Tipaimukh Hydro-electric (multipurpose) Project বাস্তবায়নকাল : ২০১২-২০১৮	ভারত-বাংলাদেশ যৌথ সমীক্ষা কার্যক্রম।	যৌথ Study Group এর ৩টি বৈঠক অনুষ্ঠিত হয়েছে।
১৯। স্বাস্থ্য সেবা বিভাগ প্রকল্পের নাম : জামালগঞ্জ উপজেলায় ৩১ শয্যা হাসপাতালকে ৫০ শয্যায় উন্নীতকরণ প্রকল্প বাস্তবায়নকাল : জুলাই ২০১৭ হতে ডিসেম্বর ২০১৮ প্রাক্কলিত ব্যয়: ১৬৫০ লক্ষ টাকা।	৩১ শয্যা হাসপাতালকে ৫০ শয্যায় উন্নীতকরণ করা হবে।	২০১৭-২০২২ সালের অপারেশন প্লানের অর্ন্তভুক্ত করা আছে।
২০। স্বাস্থ্য সেবা বিভাগ প্রকল্পের নাম : শাল্লা উপজেলায় ৩১ শয্যা হাসপাতালকে ৫০ শয্যায় উন্নীতকরণ প্রকল্প বাস্তবায়নকাল : জুলাই ২০১৭ হতে ডিসেম্বর ২০১৮ প্রাক্কলিত ব্যয়: ১৬৫০ লক্ষ টাকা।	৩১ শয্যা হাসপাতালকে ৫০ শয্যায় উন্নীতকরণ করা হবে।	টেন্ডার শেষ হয়েছে। কাজ শুরু অনুমতি পাওয়া গেছে।

প্রকল্প গ্রহণকারী সংস্থা, বাস্তবায়নকাল ও প্রাক্কলিত ব্যয় (লক্ষ টাকা)	উদ্দেশ্য/কার্যক্রম	ভৌত ও আর্থিক অর্জন
২০। সড়ক ও জনপথ বিভাগ প্রকল্পের নাম : Construction of Surma Bridge at Chatak.	Surma Bridge নির্মাণ করা হবে।	জমি অধিগ্রহণ কাজ ডিসি অফিসে ও দরপত্র অনুমোদনের কাজ মন্ত্রণালয়ে প্রক্রিয়াধীন।
২১। সড়ক ও জনপথ বিভাগ প্রকল্পের নাম : দিরাই-শাল্লা সড়ক উন্নয়ন প্রকল্প বাস্তবায়নকাল : জুন ২০১০- জুলাই ২০১৭খ্রি: প্রাক্কলিত ব্যয়: ১১৯৯০ লক্ষ টাকা	এ প্রকল্পটি বাস্তবায়িত হলে দিরাই উপজেলার সাথে শাল্লা উপজেলার সড়ক যোগাযোগ স্থাপিত হবে।	ভৌত: ৭৬% আর্থিক: ৭৪.১২% নতুনভাবে ডিপিপি প্রণয়নের কাজ চলছে।
২২। ডাক ও টেলিযোগাযোগ বিভাগ প্রকল্পের নাম : গ্রামীণ জনসাধারণের জন্য পোস্ট ই-সেন্টার বাস্তবায়নকাল : জানুয়ারী ২০১২- জুন ২০১৭ প্রাক্কলিত ব্যয়: ৫৪৯৪ লক্ষ	পোস্ট ই-সেন্টার নির্মিত হবে।	১০০%
২৩। ডাক ও টেলিযোগাযোগ বিভাগ প্রকল্পের নাম : উপজেলা পর্যায়ে অপটিক্যাল ফাইবার ক্যাবল/নেটওয়ার্ক স্থাপন প্রকল্প। বাস্তবায়নকাল : জুলাই ২০১০- ডিসেম্বর ২০১৭ প্রাক্কলিত ব্যয়: ৫৯০৬২	ফাইবার ক্যাবল/নেটওয়ার্ক স্থাপিত হবে।	৭২%
২৪। বাপেক্স প্রকল্পের নাম : 3D Sysmic Survey Project of BAPEX বাস্তবায়নকাল : ২০১৩- ২০১৯ প্রাক্কলিত ব্যয়: ২৪৭০০ লক্ষ টাকা।	২৭০০ বর্গকিলোমিটার এলাকায় 3D সিসমিক সার্ভে	৭০%
২৫। বি আই ডব্লিউটিএ অভ্যন্তরীণ নৌ-পথের ৫৩ টি রুটে ক্যাপিটাল ড্রেজিং (১ম পর্যায় : ২৪টি নৌপথ)	নদী খনন এবং নেভিগেশন	৩৫%
২৬। কৃষি সম্প্রসারণ অধিদপ্তর, বাংলাদেশ কৃষি উন্নয়ন কর্পোরেশন, কৃষি বিপন্ন অধিদপ্তর খামারবাড়ি, ঢাকা। প্রকল্পের নাম : সিলেট অঞ্চলে শস্যের নিবিড়তা বৃদ্ধিকরণ প্রকল্প বাস্তবায়নকাল: মার্চ-২০১৫-জুন ২০১৯ প্রকল্প ব্যয়: ৭৪৮৪.৬১ টাকা	শস্য নিবিড়তা, শস্য উৎপাদন, দক্ষ ব্যবস্থাপনা, উন্নত জাত, মান সম্পন্ন বীজ, বালাই ব্যবস্থাপনা, কৃষি ভিত্তিক পরিচর্যা, বাজার তথ্য, পুষ্টি প্রবাহ বজায় ও দারিদ্র দূরীকরণ সম্ভব হবে।	৪০%
২৭। খাদ্য অধিদপ্তর, খাদ্য মন্ত্রণালয় প্রকল্পের নাম : Construction of 1.05 lakh M.T Capacity New Food Godowns. (1st Revised) প্রকল্প। বাস্তবায়নকাল: জুলাই ২০১৩- জুন ২০১৮ প্রকল্প ব্যয়:	খাদ্য গুদাম নির্মাণ ও খাদ্য উপকরণ সংরক্ষণ করা যাবে।	৩৬%

বার্ষিক কর্মসম্পাদন চুক্তি বাস্তবায়ন

পানি সম্পদ মন্ত্রণালয়ের সাথে বাংলাদেশ হাওর ও জলাভূমি উন্নয়ন অধিদপ্তরের ২০১৬-২০১৭ অর্থ বৎসরের বার্ষিক কর্মসম্পাদন চুক্তি জুলাই, ২০১৭ এ সম্পাদিত হয়। বার্ষিক কর্মসম্পাদন চুক্তি অনুযায়ী অধিদপ্তরের কার্যাবলীর সন্তোষজনক অগ্রগতি সাধিত হয়েছে।

ই-সেবা কার্যক্রম

বাংলাদেশ হাওর ও জলাভূমি উন্নয়ন অধিদপ্তরের নতুন ওয়েব সাইটের (www.dbhwd.gov.bd) মাধ্যমে অধিদপ্তরের কার্যাবলী, হিউম্যান চার্টার, হাওর উন্নয়ন মহাপরিকল্পনা জনগণের জন্য উন্মুক্ত করা হয়েছে। অধিদপ্তরের Dynamic Website এর মাধ্যমে জনগণের চাহিদা অনুযায়ী তথ্য প্রদান, প্রশ্ন গ্রহণ ও উত্তর প্রদান করা হচ্ছে। তাছাড়া অধিদপ্তরের সদর দপ্তরে হাওর অঞ্চলের কৃষি, মৎস্য, আবহাওয়া-জলবায়ুসহ বিভিন্ন রকমের তথ্য সম্বলিত একটি Database আর্থহী ব্যক্তিগণের ব্যবহারের জন্য সংরক্ষিত আছে।

জিআইএস ল্যাবরেটরি স্থাপন

বাংলাদেশ হাওর ও জলাভূমি উন্নয়ন অধিদপ্তরের প্রধান কার্যালয়ে একটি আধুনিক জিআইএস ল্যাবরেটরি স্থাপন করা হয়েছে।

জলাভূমি সংক্রান্ত তথ্য ভান্ডার উন্নয়ন ও হালনাগাদ করণ

হাওর উন্নয়ন মহাপরিকল্পনা প্রস্তুত এবং হাওর অঞ্চলের জন্য ডাটাবেস প্রণয়ন সংক্রান্ত উন্নয়ন প্রকল্পের মাধ্যমে দেশের হাওর সমূহের তথ্যভান্ডার তৈরি করা হয়েছে। যা নিয়মিতভাবে হালনাগাদ করা হচ্ছে। দেশের সমগ্র জলাভূমির তথ্যভান্ডার প্রস্তুতকরণে কার্যক্রম চলমান রয়েছে।

বিশ্ব জলাভূমি দিবস ২০১৭ উদযাপন

বাংলাদেশ হাওর ও জলাভূমি উন্নয়ন অধিদপ্তর, ব্র্যাক বাংলাদেশের সহযোগিতায় গত ২ ফেব্রুয়ারী, ২০১৭ আড়ম্বরে বিশ্ব জলাভূমি দিবস উদযাপন করেছে। এ উপলক্ষে শিল্পকলা একাডেমী, ঢাকায় ৩দিন ব্যাপী হাওর অঞ্চলের মানুষের জীবন জীবিকা, যাতায়াত ব্যবস্থা, অর্থ-বানিজ্য, উৎপাদিত ফসলাদি, গ্রাম প্রকৃতির চিত্র ইত্যাদি নানা বিষয়াবলীকে উপজীব্য করে বিভিন্ন ধরণের চিত্র প্রদর্শনী অনুষ্ঠিত হয়েছে। এ ছাড়া এ উপলক্ষে ব্যানার, ফেস্টুন, লিফলেট, পোস্টার ইত্যাদি প্রকাশ ও প্রচার করা হয়েছে।

জলাভূমি সংক্রান্ত সচেতনতামূলক তথ্যচিত্র প্রকাশ ও প্রচার

জলাভূমি সুরক্ষা ও সর্বোত্তম ব্যবহার বিষয়ে জনসাধারণের মাঝে সচেতনতা বৃদ্ধির লক্ষ্যে হাওর ও জলাভূমি বিষয়ে নির্মিত ডকুমেন্টারী বিভিন্ন মাধ্যমে প্রচার ও সভা সমাবেশে প্রদর্শন করা হয়েছে।

ছবিতে বাংলাদেশ হাওর জলাভূমি উন্নয়ন অধিদপ্তরের উন্নয়ন কার্যক্রম, ২০১৬-২০১৭



পানি সম্পদ মন্ত্রণালয়ের মাননীয় প্রতিমন্ত্রী, সিনিয়র সচিব, ব্রাক বাংলাদেশের প্রতিষ্ঠাতা চেয়ারম্যান স্যার ফজলে হাসান আবেদ গত ২রা ফেব্রুয়ারী ২০১৭, বিশ্ব জলাভূমি দিবস উপযাপন উপলক্ষে শিল্পকলা একাডেমীতে একটি আলোকচিত্র প্রদর্শনীর উদ্বোধন করছেন



গত ২রা এপ্রিল ২০১৭, তারিখে পানি সম্পদ মন্ত্রণালয়ের মাননীয় মন্ত্রী, মাননীয় প্রতিমন্ত্রী, সিনিয়র সচিব ও বাংলাদেশ হাওর জলাভূমি উন্নয়ন অধিদপ্তরের মহাপরিচালক সিলেট ও সুনামগঞ্জের বন্যা দূর্গত এলাকা ও ফসল রক্ষা বাঁধ ভাঙ্গন পরিদর্শন করেন



পানি সম্পদ মন্ত্রণালয়ের অতিরিক্ত সচিব (প্রশাসন)-এর নেতৃত্বে বাংলাদেশ হাওর ও জলাভূমি উন্নয়ন অধিদপ্তর ও বিভিন্ন মন্ত্রণালয়ের কর্মকর্তাগণের সমন্বয়ে গঠিত একটি দল গত ২৪শে এপ্রিল ২০১৭ কানাডার কৃষি, খাদ্য ও গ্রামীণ বিষয়ক মন্ত্রণালয় পরিদর্শন করেন



বাংলাদেশ হাওর ও জলাভূমি উন্নয়ন অধিদপ্তরের মহাপরিচালকসহ বিভিন্ন মন্ত্রণালয়ের কর্মকর্তা সমন্বয়ে গঠিত একটি দল কানাডার বিখ্যাত UNIVERSITY OF GUELPH এর জলাভূমি ও বন বিজ্ঞান বিষয়ক বিভাগের সাথে অভিজ্ঞতা বিনিময় করেন



হাওর মহাপরিকল্পনাভুক্ত নিরাপদ পানি ও স্যানিটেশন বিষয়ক প্রকল্পসমূহ গ্রহণের জন্য জনস্বাস্থ্য প্রকৌশল অধিদপ্তরের কর্মকর্তাদের সাথে বাংলাদেশ হাওর ও জলাভূমি উন্নয়ন অধিদপ্তরের কর্মকর্তাদের মতবিনিময়



প্রকল্প পরিচালকদের সাথে হাওর মহাপরিকল্পনাভুক্ত চলমান উন্নয়ন প্রকল্প সমূহের বাস্তবায়ন অগ্রগতি পর্যালোচনা সভা



Impact Assessment of Structural Interventions in Haor Ecosystem and Innovation for Solutions শীর্ষক প্রকল্পের সমঝোতা স্মারক স্বাক্ষর অনুষ্ঠানে বাংলাদেশ হাওর ও জলাভূমি উন্নয়ন অধিদপ্তরের মহাপরিচালক, সিইজিআইএস এর নির্বাহী পরিচালক এবং প্রকল্প পরিচালক



সর্বকালের সর্বশ্রেষ্ঠ বাঙ্গালী জাতির পিতা বঙ্গবন্ধু শেখ মুজিবুর রহমানের ৪১তম শাহাদাৎ বার্ষিকীতে বাংলাদেশ হাওর ও জলাভূমি উন্নয়ন অধিদপ্তরের এর পক্ষ থেকে শোক র্যালি